



Inatsisartunut ilaasortamut  
Juno Berthelsen  
Naleraq

30-04-2026  
Suliap normua  
2024 - 10523  
Allakap ilisamaataa  
26417642

Postboks 260  
3900 Nuuk  
Oqarasuaat (+299) 34 50 00  
Nassitsigasuaat (+299) 34 66 66  
E-mail: miin@nanoq.gl  
www.naalakkersuisut.gl

**Nunatsinni imminut toquttarnerup pinaveersaartinneqarneranut tunngatillugu suliniutit pillugit § 37 naapertorlugu apeqquteqaatip nr. 061-2026-p akineqarnera.**

Asasara Juno Berthelsen

Apeqqutinut qujanaq. Apeqqutit tullinnguuttut ataasiakkaarlugit assilinqarsimapput, akissutinik tullegarlutik.

**1. "Qamani - Imminut toqunnissamik pinaveersaartitsineq pillugu periusissiaq 2023-2028" kiap akisussaaffigaa?**

"Qamani – Imminut toqunnissamik pinaveersaartitsineq pillugu periusissiaq 2023-2028" Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoqarfiup pingaarnertut akisussaaffigaa, periusissiali tigussaasumik ineriartortinneqarnera piviusunngortinniarneqarneralu Paarisami inissisimavoq.

**2. Imminut toquttarnerup pinaveersaartinnissaanut tunngatillugu suliniutit qanoq ingerlanersut Naalakkersuisut nassuiarsinnaavaat?**

"Qamani – Imminut toqunnissamik pinaveersaartitsineq pillugu periusissiaq 2023-2028"-p piviusunngortinniarneqarnerata ilaattut, imminut toqunnissamik pinaveersaartitsinermik suliaqarneq ingerlaleruttoq.

Periusissiamik piviusunngortitsiniarneq aallartinneqarnikuvoq, piffissallu periusissiaqarfiusup sinnerani suliniutinik pingaarnersiutit ingerlaavartumik sulissutigineqarpoq, matumani aqutsisoqatigiinni katsorsaasalernissaq siunertaralugu, Kalaallit Nunaanni Peqqissusermik Ilisimatusarfik suleqatigalugu Qamanimi suleqatigiit suliatigut naapitinneqarnissaanut piareersaaneq ilanngullugu aallartinneqarnikuvoq.

Periusissiap saqqummiunneqarneraniilli pinaveersaartitsiviusumik iliuseqarnerit tullinnguuttut aallartinneqarnikuupput ilaatigullu naammassineqarnikuullutik:



- Nuna Tamakkerlugu Tarnikkut Piginnaanngorsaavik Siunnersuisarfillu, Inulerivik, periusissiami Qamani suliniuteqarfiusumut 1-imut naammassinneqataasoq, nuna tamakkerlugu pissarsiariuminartunillu saaffiginninnissamut periarfissaqartitsinikkut.
- Kalaallit Nunaanni Peqqissusermik Ilisimatusarfik aamma Livslinien suleqatigalugit imminut toquttarnerup pinaveersaartinnissaanut ilitersuisunik ilinniartitsineq.
- Decembari 2025-mi Qamani-app'ip saqqummiunneqarnera, tassani isumannaatsuunissamut pilersaarutit, sungiusaatit, oqaloqatigeeriaatsit attaveqarfissanillu takussutissiat imarineqarput. App'i piffissami piviusunngortitsiviusumiippoq, 2026-milu marsip naanerani 2.300-t sinnerlugit atuisoqarsimalluni.
- Inuusuttut pingaarnertut qitiutillugit Børns Vilkår suleqatigalugu Tusaannga.gl-imik alliliineq.
- Sulianik sulialinnut eqimattanut attuumassutilinnut imminut toqunnissamik pinaveersaartitsinermik pikkorissaanerit.
- Ukiut marluk sinnerlugit paasitstsiniaanermik Yellow Septemberimik naammassinninneq.
- Paarisami inuit attaveqatigiittarfiatigut eqqarsartaatsikkut peqqissuseq pillugu ilisimasanik ingerlatitseqqinneq
- Inuusuttut akornanni imigassaq pillugu najoqqutassanik atulersitsineq.
- Ataqaqigiissaarineq pitsaanerusoq siunertaralugu nuna tamakkerlugu ingerlataqartunik attuumassutilinnik neqeroorutinillu qulaajaaneq.

**3. Imminut toqussimasunit qimagaasut ikiorserneqarnissaat pillugu Naalakkersuisut iliuseqarnersut nassuiarsinnaavaat, tamanna “Qamani - Imminut toqunnissamik pinaveersaartitsineq pillugu periusissiaq 2023-2028”-mi amigaataammat? Qimagaasut tassaasinnaapput aapparisaq, meeqqat, kammalataatit atuqaatit.**

”Qamani – Imminut toqunnissamik pinaveersaartitsineq pillugu periusissiaq 2023-2028” imminut toqunnermut qimagaasimasunut immikkut ittumik nassuiarneqarsimasunik suliniuteqanngilaq. Qanigisaasunullu ilisimasanik atortussanillu ineriartortitsinissaq siunertaralugu aallarniutitut sammisassanik aallartitsisoqarsimavoq.

**a. Taamaappat Naalakkersuisut nassuiaaqquneqarput suliniutit suut aallartinneqartut sumullu killinnersut.**

Paarisa imminut toqunnermut qimagaasimasunut atortussanik ineriartortitsinissaq Imminut toqunnermut qimagaasimasut atortussaannik ineriartortitsinissamut periarfissanik Paarisa misissuileruttorpoq. Sulineq piffissami ineriartortitsiviusumiippoq, piffissamilu matumani piffissaliussamik pilersaaruteqanngilaq. Suliarli pingaaruteqarlunnarmat suliarinera Naalakkersuisutut isumaqarpunga ukiup naannginnerani piareerumaartoq. Tamatuma saniatigut Paarisa Qimagaasup Nipaa-ta saqqummersinneqarnissaanut aningaasatigut tapiissuteqarsimavoq – qimagaasut nipaata, imminut toquttarneq imminullu toqunnissamik pinaveersaartitsineq pillugit atuagaq.

**4. “Qamani”-mi aqutsisooqatigiit pilersinneqareersimappat?**

Aap, ”Qamani – Imminut toqunnissamik pinaveersaartitsineq pillugu periusissiaq 2023-2028”-mut aqutsisooqatigiit pilersinneqareerput. Aqutsisooqatigiit siuariartornerup malinnissaanut periusissiamilu suliniuteqarfiusut naammassinissaannut ikorfartuinissaq siunertaraat.

**a. Taamaappat qasseriaq ataatsimiinnikuuppat, qanorlu aalajangiisoqartarpa?**



Aqutsisoqatigiit sisamariarlutik ataatsimiinnikuupput. Aalajangiisinnaassutsip sunniuteqarluarsinnaassutsillu pitsanngorsarnissaat siunertaralugu pingajussaanik ataatsimiinnermi aqutsisoqatigiit katitigaanerat naleqqussarneqarpoq.

## **5. Nunaqqatigiinni attaveqatigiit pilersinneqarpat?**

Piffissami matumani "Qamani – Imminut toqunnissamik pinaveersaartitsineq pillugu periusissiaq 2023-2028" ilaattut nunaqqatigiinni attaveqatigiinnik pilersitsisoqarnikuunngilaq.

Suliassaqarfimmi suliniutip ataqatigiissarneqarnerata pitsanngorsarnissaa siunertaralugu, Paarisa Kalaallit Nunaanni Peqqissusermik Ilisimatusarfik suleqatigalugu, kommunit attuumassutillit pinaveersaartitsinerullu iluani aamma peqqinnissakkut siuarsaanermi nuna tamakkerlugu suliallit pillugit qulaajaanermik suliaqarpoq. Siunertarli tassaasaaq pinaveersaartitsinermi nunaqqatigiinni attaveqaatinik pilersitsisoqassasoq, soorlu tamanna Røde Korsit aamma namminneq piuumassutsiminnik suliarilersimagaat tusarliunneqarpoq.

### **a. Taamaappat piffinni sumi attaveqaqatigiittarfiliorsimappat, qanorlu akulikitsigisumik ataatsimiittarpat?**

Apeqquut 5-imut akissutigineqartoq innersuussutigineqarpoq.

## **6. Nunaqqatigiinni attaveqatigiit aqutsisoqatigiinnut nalunaaruteqartarpat?**

Apeqquut 5-imut akissutigineqartoq innersuussutigineqarpoq.

### **a. Taamaappat, qanoq akulikitsigisumik taamaaliortarpat, qanorlu kinguneqarpa?**

Apeqquut 5-imut akissutigineqartoq innersuussutigineqarpoq.

## **7. Ukiut tallimat kingulliit ingerlaneranni imminut toquttarnerup pinaveersaartinnissaanut ilitersuisut qassit ilinniartinneqarsimappat?**

Ukiut tallimat kingulliit iluanni Kalaallit Nunaanni Peqqissusermik Ilisimatusarfik aamma Livlinien suleqatigalugit imminut toquttarnerup pinaveersaartinnissaanut ilitersuisunik 25-nik ilinniartitsisoqarsimavoq.

## **8. Imminut toquttarnerup pinaveersaartinnissaanut ilitersuisut ilinniartinneqartut atorluarneqarnissaat Naalakkersuisut qanoq qulakkeerniarpaat?**

Aqutsisunit tapersorsorneqarnerup qulakkeerneqarnissaa kiisalu pikkorissaanerit naammassineqarnissaannut aningaasat immikkoortinneqarsimasut piffissamillu atuinissap qulakkeerneqarnissai siunertaralugit 2024-mi kingullermik ilitersuisunik ilinniartitsinermi aqutsisunut paasissutissiissusiortoqarlunilu ilitersuisup aqutsisuinik suleqateqartarnissamut sinaakkusiortoqarpoq.



Aammattaaq Kalaallit Nunaanni Peqqissusermik Ilisimatusarfik suleqatigalugu malitseqartitsineq naammassineqarsimavoq, tassani ilitsersuisut amerlanerit attuumassutilinni atorfeqartut piginnaasaminnullu atuisut takutinneqarpoq. Peqatigisaanik misilittakkat takutippaat, pikkorissaasinnaasunik atuinerit piffinni tamani aaqqissuussaasumik suli tunngavilerneqarsimanngitsut, tamatumunnga ilaatigut piffissakilliorneq, isumalluutit killeqarnerat aqutsisullu pingaarnersiunerat pissutaapput.

Inussiarnersumik inuulluaqqusillunga

Mariane Paviasen Jensen